

Til: Hovudutval for næring
Finansutvalet

Frå: Fylkesrådmann

Næringsretta partnerskapsmidlar – melding i samband med budsjettarbeidet

Samandrag

I Hovudutval for næring, naturressursar og innovasjon 14.5.2020 (sak PS 28/2020) vart det vedteke å lyse ut partnerskapsmidlar med verknad for to år, 2021 – 2022. Føresettt ramme vedteke i det enkelte årsbudsjett. Fylkeskommunen tildeler partnerskapsavtalar med strategisk viktige aktørar som arbeider med innovasjon og næringsutvikling i Vestland fylke. Koronasituasjonen har gitt næringslivet nye og store utfordringar. Partnerskapsmidlane hjelper næringslivet gjennom krisa.

40 søknader kom til fristen 19 juni. Det er søkt om til saman kr 28 925 000. Avdeling for innovasjon og næringsutvikling tilrår å sette av kr. 10.298.000 til partnerskapsordninga av avdelinga sine budsjettmidlar. Avdelinga vurderer at det er eit behov for å styrke partnerskapsordninga med kr 6.922.000. Dette kan finansierast med omprioriteringar innanfor avdelinga sitt tilgjengelege budsjett eller med å styrke budsjettet. Endeleg avklaring og prioritering blir å komme attende til i samband med budsjetthandsaminga.

Bakgrunn

Hovudutval for næring, naturressursar og innovasjon fatta i møte 14.5.2020 (sak PS 28/2020). følgande vedtak:

1. *Hovudutval for næring, naturressursar og innovasjon vedtek å lyse ut partnerskapsavtalar for 2021-2022 med moglegheit for eitt års forlenging.*
 - a. *Utlysinga er forankra i Handlingsprogram for innovasjon og næringsutvikling 2020 og i Utkast til Regional planstrategi 2021-2024 og reviderte retningslinjer for næringsretta partnerskapsmidlar med verknad frå 2021*
 - b. *Aktuelle søkjarar er: Inkubatorar, næringshagar, klynger, men og andre aktørar som leverer tenester knytt til tilrettelegging for innovasjon og næringsutvikling i fylket.*
2. *Hovudutval for næring, naturressursar og innovasjon vedtar at vurdering av søknader om partnerskapsmidlar skal gjerast opp mot følgjande kriterium knytt til prioriterte aktørar.*
 - a. *Aktiviteten er knytt til regional tilrettelegging for innovasjon og næringsutvikling i samsvar med handlingsprogram for innovasjon og næringsutvikling 2020.*
 - b. *Aktøren arbeider med å fremje innovasjon og næringsutvikling i tråd med fylkeskommunen sine mål og strategiar.*
 - c. *I kva grad aktøren bidrar til å*
 - i. *nå mål innfor dei prioriterte innsatsområda i handlingsprogrammet for innovasjon og næringsutvikling 2020*
 - ii. *yter bidrag til å nå FN's berekraftsmål, særleg dei som er referert i Handlingsprogrammet*
 - d. *Aktøren samlar og styrkjer arbeidet i ein større del av fylket/ region. Minst to kommunar.*

- e. *Det vil bli lagt vekt på at søker har gjennomføringsevne. Det vil mellom anna omfatte organisering, metodebruk og korleis arbeidet er finansiert. Vestland fylkeskommune fullfinansierer ikkje den ein skilde aktøren*
- f. *Aktørar arbeider med særlege utfordringar for næringslivet knytt til konsekvensar av koronapandemien.*

Utlysinga vart publisert 18. mai 2020 (vedlegg 1) Det var høve til å søke om inntil 1 million i tilskot. Til søknadsfristen 19 juni kom det inn 40 søknader. Samla søknadsbeløp var kr 28 925 000.

Partnerskapsavtalane vert inngått med aktørar som er strategisk viktige for å sette i verk og gjennomføre tiltak knytt til ønska nyskaping, innovasjon og næringsutviklingsarbeidet i Vestland fylke.

Administrasjonen har sjekka søknadane for formelle feil. Deretter har dei vore gjennom ei fagleg vurdering i panel. Panela har hatt medlemmer frå alle fagseksjonar i Avdeling for innovasjon og næringsutvikling. Panela har vurdert søknadane i samanheng med kunnskap om aktørane som er bygt opp også gjennom tidlegare samarbeide. Slik sett er dette ei anna type panelvurdering enn for handlingsprogramssøknadane, der vurdering av søknadstekst og prosjektopplegg var det mest avgjerande. Fagpanela har vore rådgivande ovanfor administrasjonen. Det er gitt karakter til søknadene etter ei samla vurdering.

Budsjettramme

I utlysinga av partnerskapsmidlar vart det sett ei øvre ramme for kvar søknad på 1 million kroner. Samla sum til avtalane ver bestemt av ramma som fylkestinget fastsett i budsjett for 2021 og 2022. Administrasjonen har arbeidd fram ei innstilling tilrådd ut frå korleis søknaden treff mot kriteria, og korleis tildelinga var i 2020. Det er lagt vekt på særskilt argumentasjon dersom det er foreslått vesentleg kutt eller auke i høve til 2020. Med ei ny søknadsbasert ordning i eit nytt fylke har det vore stor interesse for ordninga.

Fylkeskommunen sitt budsjett til partnerskapsmidlar for 2020 er kr 23 098 000. I hovudutval for næring, naturressursar og innovasjon 14.5.2020 (sak PS 28/2020) vart enkelte aktørar definert ut av ordninga, og tar med seg budsjettmidlar tilsvarende kr 12 800 000 desse er:

- Bergen Vitensenter – eigarskapsforplikting forankra i vedtekter kr 3 000 000
- Fjord Norge – eigarskapsforplikting forankra i vedtekter kr 6 000 000
- Reiselivsnæringa kr 2 800 000
- Prosjektet Teknoløftet kr 1 million 1 000 000

40 søknader kom til fristen 19 juni. Det er søkt om til saman kr 28 925 000. Avdeling for innovasjon og næringsutvikling tilrår å sette av kr. 10.298.000 til partnerskapsordninga av avdelinga sine budsjettmidlar. Avdelinga vurderer at det er eit behov for å styrke partnerskapsordninga med kr 6.922.000. Dette kan finansierast med omprioriteringar innanfor avdelinga sitt tilgjengelege budsjett eller med å styrke budsjettet. Endeleg prioritering blir å komme attende til i samband med budsjetthandsaminga.

	Beløp i kroner
Budsjett 2020	23 098 000
Tatt ut av ordning, tar med budsjett	12 800 000
Rest budsjett til partnerskapsordning	10 298 000
Foreslått tildeling partnerskapsmidlar 2021	17 220 000
Udekket differanse	6 922 000

Vurdering av søknadane

Næringsretta partnerskapsavtalar og midlane som følger med er ikkje knytt til prosjekt, men er støtte til aktivitet aktøren gjennomfører som del av sitt virke og som støtter opp om vedtekne

regionale politiske mål, nedfelt i ulike planar og handlingsprogram. Det vert løyvd midlar til aktørar som vert vurderte **som strategisk viktige** for å nå måla i dei regionale planane våre. Skal Vestland fylkeskommune nå måla er ein avhengig av andre for å nå ut i alle deler av fylket.

I tillegg bidrar partnerane med dei verkemidla dei rår over, og med kunnskap som supplerer og utfyller den kunnskapen som fylkeskommunen har. Mange utviklingsmiljø og organisasjonar i fylket har stor kompetanse, er lokalisert i kommunar og regionar i heile fylket vårt, og har slik ein unik nærleik til næringsaktørar i ulike geografiske område, og som kan slik tilpasse innsatsen i ulike deler av fylket. Dei føreslegne partnerane dekkjer eit breitt tematisk og geografisk område. Og dei vil vere strategisk viktige for å oppretthalde aktivitet i heile fylket. Koronasituasjonen har gjort at næringslivet står overfor nye utfordringar. Partneravtalane og midlane som følger med betyr at fylkeskommunen gjennom partnerskapsavtalane betre kan hjelpe næringslivet gjennom krisa.

I tabellen under er ei oversikt over søknadane, kva dei har søkt om og kva som er panelet si vurdering og anbefalt tilsegn. Søkarane er vurdert i høve om dei er vurdert som strategisk viktige for innovasjon og næringsutvikling, og i høve kriteria i utlysinga. Pannelleiarane har så drøfta resultatet frå panela og laga ein samla oppsetting. frå Panela har arbeidd med ein skala frå 1 til 5 der.

Karakter	Dette betyr karakteren
5	Aktøren er strategisk viktig for innovasjon og næringsutvikling i Vestland fylke. Søknaden svarer særdeles godt på kriteriet.
4	Aktøren er strategisk viktig for innovasjon og næringsutvikling i Vestland fylke. Søknaden svarer godt på kriteriet.
3	Aktøren er vurdert strategisk viktig for innovasjon og næringsutvikling i Vestland fylke. Søknaden svarer mindre godt på kriteriet. Den har fleire manglar
2	Aktøren vert ikkje vurdert som strategisk viktig for innovasjon og næringsutvikling i Vestland fylke. Søknaden svarer ikkje godt på kriteriet. Den har manglar.
1	Søknaden fell utanfor ordninga

Tabell alle søknader tilrådd tilsegn (- forutset endeleg budsjettvedtak)

Søkjjar	Partnerskaps midlar i 2020*	Poeng i vurdering	Søkt sum	Anbefalt tildeling	Opp eller ned frå 2020
Sognefjorden Næringshage As	0	4	150 000	200 000	⬇
Medvind24 Næringshage As	0	4	75 000	100 000	⬇
Næringshagen På Voss As	50 000	5	500 000	200 000	⬇
Gulen og Masfjorden Næringshage As	50 000	4	500 000	200 000	⬇
Næringshagen i Hardanger AS	0	3,	200 000	200 000	⬇
Stryn Næringshage As	0	4	600 000	200 000	⬇
Næringshagen I Odda As	0	3	1 000 000	200 000	⬇
Inviro AS - Nordfjordeid Næringshage As	0	4	650 000	200 000	⬇
Atheno AS	600 000	5	1 000 000	700 000	⬇
Aksello As	700 000	4	1 000 000	600 000	⬇

Søkjær	Partnerskaps midlar i 2020*	Poeng i vurdering	Søkt sum	Anbefalt tildeling	Opp eller ned frå 2020
Industriutvikling Vest AS	600 000	5	1 000 000	600 000	☒
Vestlandets Innovasjonsselskap sine inkubatorar (VIS)				1 000 000	☒
VIS Nyskapingsparken	700 000	5	900 000	0	☒
VIS Mediekuben Teknologi- og medieinkubator	400 000	4	500 000	0	☒
Kunnskapsparken i Sogn og Fjordane As	1 100 000	5	1 000 000	1 000 000	☒
Startuplab As - Avdeling Bergen	0	5	700 000	200 000	☒
Impact Hub Bergen As	420 000	5	800 000	600 000	☒
Ungt Entreprenørskap Vestland	1 300 000	5	1 600 000	1 000 000	☒
Connect Vest - Norge	500 000	5	750 000	750 000	☒
Vestnorsk filmsenter / WNFC	888 000	5	1 000 000	1 000 000	☒
Mediefondet Zefyr As	1 015 000	5	1 200 000	1 000 000	☒
Design Region Bergen	420 000	3	850 000	100 000	☒
Media City Bergen As	100 000	5	1 000 000	600 000	☒
Framtidsfylket As	0	4	1 000 000	1 000 000	☒
Stiftinga Vestlandsforskning	1 000 000	5	1 000 000	1 000 000	☒
IT-forum Vest	500 000	5	1 000 000	1 000 000	☒
Hardanger Siderprodusentlag	0	5	300 000	300 000	☒
Njøs frukt- og bærsenter	0	5	700 000	700 000	☒
Matarena As	150 000	5	1 000 000	1 000 000	☒
Akvahub As	0	4	750 000	350 000	☒
Stiftelsen Maritime Bergen	320 000	4	950 000	320 000	☒
NCE Maritime CleanTech	300 000	5	600 000	600 000	☒
Finance Innovation	0	3	1 000 000	100 000	☒
Sustainable Energy katapultsenter	0	4	100 000	100 000	☒
Hub For Ocean/ Ocean Hyway Cluster	0	4	500 000	100 000	☒
				17 220 000	

* Dette er beløpet som er tildelt søkerane i 2020. Fleire andre aktørar var deltakarar i ordninga i 2020 men er ikkje lenger søkegode, eller har av ukjent grunn valt å ikkje søke.

Tabell alle søknader tilrådd avslag

Søkjær	Partnerskaps midlar i 2020*	Poeng i vurdering	Søkt sum	Anbefalt tildeling	Opp eller ned frå 2020
VIS Innovasjonsuken OPP	0	1	500 000	0	☒
Bioregion Institute	0	2	800 000	0	☒

Norsk Hydrogenforum	0	1	100 000	0	Ø
Blått Hav Norge	0	2	500 000	0	Ø
Pitstop Norge As	0	2	1 000 000	0	Ø
Sogn Næring As	0	1	150 000	0	Ø

Om ein ser på fordeling til aktørar dei to tidlegare fylka har støtta så går kr 7 450 000 til aktørar Sogn og Fjordane fylkeskommune støtta og kr 9 870 000 til aktørar i Hordaland fylkeskommune støtta. (Nokre aktørar har fått støtte frå begge dei gamle fylka der har vi i denne berekninga delt på 50/50). Det er totalt tilrådd avtale med 34 aktørar. 14 av desse er nye, og dei fordeler seg 50/50 på dei to gamle fylka.

Avdelinga vurderer at det er eit behov for å styrke partnerskapsordninga med kr 6.922.000. Dette kan finansierast med omprioriteringar innanfor avdelinga sitt tilgjengelege budsjett eller med å styrke budsjettet. Endeleg prioritering blir å komme attende til i samband med budsjetthandsaminga.

Vurdering

Partnerskapsavtale og strategisk eigarskapsforplikting

Vestland fylkeskommune er eigar i og/eller stiftar av fleire av organisasjonane som søker. Særleg i Sogn og Fjordane har det vore praksis at fylkeskommunen har bidrege til oppretting av ordningar og organisasjonar når ein har identifisert udekkte viktige satsingar og manglar i innovasjonssystemet. Slik har fylkeskommunen medverka til å sikre utvikling av tilbod i ein region der det ikkje er like sterkt innovasjonsøkosystem. Dette er strategiske eigarskap. Dette gjeld i hovudsak aktørane

- Kunnskapsparken i Sogn og Fjordane AS
- Atheno AS
- Stiftinga Vestlandsforskning
- Framtidsfylket
- Njøs Næringsutvikling
- IT-Forum Vest

Eigarskapet er omtalt i presentasjonen av den enkelte søker

NCE og modne klynger

Klyngeprogrammet er i endring. Det er usikkerheit om vidare arbeid og finansiering for dei aktørane som har søkt moden klyngestatus. Dersom NCE Media og NCE Maritime CleanTec ikkje får klyngestatus vidare fordrar det større løyvingar enn dersom dei skulle oppnå den nye statusen. Det er ikkje høve til å gå djupt inn i kva som er status og moglegheiter i denne saka som så langt er uavklart. Tilrådinga er kr 600 000 til dei to klyngene som har søkt om opptak i Innovasjon Norge si ordning for «modne klynger», For søknader frå andre klynger innan NCE og Arena programmet og til katapulten så er det tilrådd kr 100 000. Dersom NCE Media og NCE Maritime CleanTec vert tatt opp i programmet Modne klynger vil vert det gjort ei ny vurdering

Ungt Entreprenørskap Vestland

Ungt entreprenørskap Vestland får også støtte som strategisk viktig partner frå opplæringsavdelinga. Vi er i dialog med opplæringsavdelinga for å sjå på total støtte og innretning.

Vestlandets innovasjonsselskap

Vestlandets innovasjonsselskap står bak to søknadane om partnerskapsmidlar, ein søknad for kvar av dei to inkubatorane VIS Nyskapingsparken og VIS Mediekuben. Panelet vil anbefale at det vert inngått EIN partnerskapsavtale med Vestlandets innovasjonsselskap som omfattar arbeidet med inkubasjon. I SIVA samanheng vert dei to inkubatorane rekna som ein eining, og tildelinga på 5

millionar frå SIVA er til begge inkubatorane. Panelet meiner difor at det naturleg å sjå dei som ei eining også i denne vurderinga.

Statstøtteregelverket

Mange av aktørane som har søkt partnerskapsavtale driv både kommersiell og ikkje kommersiell aktivitet. Vi vil utover hausten gjere vurderingar opp mot statsstøtteregelverket for å sikre at støtte er i tråd med regelverket.

Kort om søkarane som er aktuell for tilskot (-forutset endeleg budsjettvedtak)

Næringshagar

Næringshageprogrammet har ein visjon om å «Skape levedyktige og framtidsrettet næringsliv i distriktene». Ein næringshage er eit innovasjonsselskap som tilbyr bedrifter tenester som bedriftsrådgjeving, hjelp til utvikling av forretningsidéar, marknadsplanlegging, nettverksbygging, internasjonalisering og andre utviklingsrelaterte oppgåver til en subsidiert kostnad. Næringshagen skal være en aktiv tilbyder og tilretteleggjar av kompetanse, nettverk og infrastruktur, samt være en attraktiv møteplass og samhandlingsarena for bedriftene. Ei viktig oppgåve for næringshagane er å kople bedriftene opp til relevante fagmiljø, FoU-miljø, andre innovasjonsselskap, investeringsmiljø, samt offentlig verkemiddelapparat. Nasjonalt er 40 næringshagar med i programmet.

I Vestland fylke er det seks næringshagar tilknytt SIVA sitt næringshageprogram. Stryn og Nordfjordeid næringshage vert rekna som ein næringshage i SIVA sitt system. Odda næringshage var med i næringshageprogrammet fram til 2011. I frå 2019 har dei samarbeidd tett med Næringshagen på Voss og Næringshagen i Hardanger om levering av næringshagetenester. Alle næringshagane i Vestland er viktige regionale verkemiddelaktørar og dei er til stades der ikkje så mange andre aktørar. No i den pågåande koronakrisa for næringslivet er næringshagane sentrale og hjelper bedriftene med rådgjeving som gjer at dei kan kome gjennom den pågåande krisa.

Øvrige søkjarar med tilrådd støtte

Atheno AS

Atheno er tilknytt SIVA sin inkubatorordning og er lokalisert på Stord. Atheno har ein sentral rolle i innovasjonsøkosystemet i Sunnhordland og Vestland. Dei samarbeider godt med andre aktørar i Sunnhordland regionen og med dei andre inkubatorane og næringshagane gjennom nettverket INUNETT Dei arbeider tett med næringslivet i sin region og har ein viktig rolle i Sunnhordland.

Aksello As

Aksello er tilknytt SIVA sin inkubatorordning og er lokalisert i Florø. Fylkeskommunen har eigarskap i inkubatoren Aksello, dette er eit strategisk eigarskap for å få etablert ein inkubator på dette området. Aksello har hatt partnerskapsavtale kytt til inkubatorverksemda si. Aksello har ein bransjefokus på marin og maritim industri og havrommet, nedslagsfeltet er i hovudsak kysten, men har bedrifter i inkubasjon frå mange kommunar. Dei arbeider godt med dei andre aktørane i sin region.

Industriutvikling Vest AS

Industriutvikling Vest er tilknytt SIVA sin inkubatorordning. Inkubatoren vart etablert med base i Mongstadmiljøet. Visjonen er at inkubatoren skal utvikle ny lønsam forretningsverksemd med utgangspunkt i verksemdene på Mongstad spesielt og Nordhordland og Bergensregionen generelt. Industriutvikling Vest har satsa mykje på grøn omstilling i sitt nedslagsfelt dei siste åra.

Kunnskapsparken i Sogn og Fjordane As

Kunnskapsparken i Sogn og Fjordane As er tilknytt SIVA sin inkubatorordning. Fylkeskommunen har eigarskap i Kunnskapsparken i Sogn og Fjordane. Kunnskapsparken og har hatt partnerskapsavtale kytt til inkubatorverksemda.

Kunnskapsparken i Sogn og Fjordane leverer både oppstartshjelp for gründerar og leiging av omfattande prosjekt innan miljøteknologi, robotisering, helse m.m. Arbeidet kan delast inn i

kategoriane inkubator, miljø og prosjekt og oppdrag. I Inkubatoren får oppstartsbedrifter i tidleg fase hjelp til forretningsutvikling. Målsettinga er å skape konkurransedyktige bedrifter og auke verdiskapinga. Kunnskapsparken har kopling til mange teknologi-, utviklings- og gründermiljø i fylket. Slike miljø representerer eit nettverk av menneske og bedrifter som sit på unik kunnskap og kompetanse. Dei arbeider tett med næringshagane i Sogn og Fjordane. Dei har eit stort geografisk nedslagsfelt med heile Sogn og Fjordane.

Vestlandets Innovasjonsselskap AS (VIS)

Vestlandets innovasjonsselskap AS er tilknytt SIVA sin inkubatorordning – VIS står bak fleire inkubatorar mellom anna, VIS Nyskapingsparken og VIS Mediekuben. VIS Nyskapingsparken er en inkubator for gründerar og nyoppstarta bedrifter med vekstpotensial og høy grad av innovasjon. Dei har eit velprøvd oppstartsprogram for nystarta bedrifter innafor ulike bransjar og du kan delta i oppstartsprogrammet i to år. VIS Mediekuben er einaste oppstartsmiljø for media og medieteknologiselskaper nasjonalt, denne avdelinga er lokalisert i Media City Bergen.

StartupLab As - Avdeling Bergen

StartupLab As - Avdeling Bergen er ein avdeling av den Oslo basert inkubatoren StartupLab som er med i SIVA sin inkubatorordning. Saman med VIS inkubatorane er StartupLab Oslo topp ranka i SIVA sitt system. StartupLab er ein teknologiinkubator. Dei er ein ny aktør i fylket.

Impact Hub Bergen As

Impact Hub Bergen leverer støtte til entreprenørar innan sosialt entreprenørskap. Ei er einaste aktøren innan dette feltet. Impact Hub har ulike program. Adresserer ofte store samfunnsproblem og finn innovative løysingar gjennom programma sine. Stor grad av kvinnelege entreprenørar (over 60% av entreprenørane kvinner). Stor grad av innovasjon knytt til det offentleg sektor. Har ein supplerande innfallsvinkel samanlikna med inkubatorane.

Ungt Entreprenørskap Vestland

Ungt Entreprenørskap er ein ideell, landsomfattande organisasjon som arbeider saman med utdanningssystemet, næringslivet og andre aktørar for å utvikle barn og unges kreativitet, skaparglede og tru på seg sjølv. Dei har ulike program som vert gjennomført i nært samarbeid med det lokale arbeids- og næringslivet. På den måten bygger dei bru mellom teori og praksis, og bidrar til å auke kreativitet og relevans i læreprosessane. Dei har program frå grunnskole til høgare utdanning, innan områda entreprenørskap, jobbtrening og personleg økonomi.

Connect Vest – Norge

Connect Vest arbeider med innovasjon, gründerne og vekstbedrifter. Nedslagsfelt er Rogaland og Vestland fylker. Connect Vest er ein non-profit organisasjon og finansierer arbeidet gjennom offentlege midlar, partneravtaler og medlemsavgifter. Connect Vest tar ikkje eigardeler i gründerbedriftene dei hjelper. Dei har 200 medlemsbedrifter og 85 tidligfaseinvestorar i sitt nettverk. Dei har avtale med Innovasjon Norge om å vere nasjonal mentorkoplar, det inneber at dei hjelper gründerne med å finne mentorer.

Vestnorsk filmsenter / Western Norway Film Commission

Filmkommisjonen er ei avdeling under Vestnorsk filmsenter AS. Film og serieproduksjon har vore i sterk vekst globalt, Filmkommisjonen skal bidra til at Vestlandet tar del av denne veksten, og at internasjonale produksjonar ser moglegheiter i regionen. Begge dei to gamle fylka har støtta filmkommisjonen i ei årrekke. Dei siste åra har det blitt etablert fleire regionale filmkommisjonar i Norge, etter modell frå Vestnorsk filmkommisjon. Budsjettet til Vestnorsk filmkommisjon er 1,36 mill. kr. og støtta frå fylkeskommunen vil vere avgjerande for den vidare aktiviteten. Departementet føreset at drifta av filmkommisjonar/filmfond vert organisert og finansiert lokalt, men støtta løyser ut veldig mykje statlege garantiar og finansiering.

Filmkommisjonen jobbar godt, med avgrensa ressursar. Filmkommisjonen har bidratt til at svært store produksjonar dels er spelt inn i regionen. Dette er som resultat av langsiktig arbeid. Større

filminnspelingar har positive ringverknader for fleire andre næringar og lokalsamfunna under innspelingsperioden, og kan også bidra til å auke regionane sitt potensiale som reisemål i tida etter. Filmkommisjonen har hatt aktivitet i mange av kommunane i Vestland dei siste åra.

Mediefondet Zefyr As

Mediefondet Zefyr er det største regionale filmfondet for audiovisuell produksjon i Noreg. Hovudmålgruppa er produsentar innan tv-seriar, kinofilm og utviklarar av dataspel. Zefyr sitt verkeområde er Møre og Romsdal, Vestland, Rogaland, Agder og Vestfold og Telemark. Den største aktiviteten er i Vestland. Fondet forvaltar nasjonale investeringsmidlar innan mediesektoren. Staten føresett regionalt finansiert drift.

Design Region Bergen

Design Region Bergen er ein non-profit interesseorganisasjon som arbeider for auka bruk av design på Vestlandet. Foreininga vart stifta i 2007 og har i dag omlag 40 medlemsbedrifter. Dei har i dag ein tilsett.

Media City Bergen As - Medieklyngen

Media City Bergen er ein kunnskaps- og næringspark som samlar medieteknologiaktører, utdannings- og forskningsmiljøer, og mediehus under eit tak. Medieklynga er eit innovasjons- og kompetansemiljø med svært høg kvalitet og mange store fellesprosjekt med innovasjonspotensial. Medieklynga har i dag NCE-status og har hatt partnerskapsavtale med Hordaland fylkeskommune. Skal no søkje om «moden klyngestatus», men utlysinga frå Innovasjon Norge er ikkje gjort enno. Dei er såleis usikre på om dei får vidareført arbeidet innan klyngeprogrammet, dette gjer sjølvsgatt økonomien i 2021 usikker.

Framtidsfylket AS

Framtidsfylket AS, - blei stifta i 2008. Fylkeskommunen i Sogn og Fjordane blei aksjonær i 2009, men dette fører ikkje med seg juridisk bindande forpliktingar. Framtidsfylket arbeider med rekruttering til bedrifter i Sogn og Fjordane. Dei har mellom anna ein digital kommunikasjonsinfrastruktur og arrangerer karrieremesser i universitetsbyane. Dei driftar også ei vellukka traineeordning. Framtidsfylket har starta på ei geografisk utviding av sitt arbeid. Dei har fått 1 mill. kr årleg (grunnfinansiering) frå Stiftinga ReKomp (som forvaltar Næringsretta midlar til regional utvikling, kompensasjon for auka arbeidsgjevaravgift) som har vore avgjerande for drifta.

Stiftinga Vestlandsforskning

Vestlandsforskning er eit regionalt forankra forskingsinstitutt som utfører forskning- og utviklingsoppdrag for næringsliv og offentleg sektor. Vestlandsforskning arbeider med forskning innan tre hovudområde: klima og miljø, reiseliv og teknologi og samfunn. Forskarane ved Vestlandsforskning utfører tverrfagleg og bruksretta forskning både på regionalt, nasjonalt og internasjonalt nivå. Vestlandsforskning har om lag 30 tilsette og ein årsumsetnad på rundt 25 millionar kroner. Sogn og Fjordane fylkeskommune var ein av stiftarane av Vestlandsforskning. Fylkestinget utpeiker styre og styreformann i stiftinga og har årleg tildelt dei ei grunnfinansiering mot at dei yter bidrag til innovasjon i fylket.

IT-forum Vest

IT-forum Sogn og Fjordane vart oppretta i 1995 og var fram til 2019 vore organisert og administrert som eit prosjekt hjå Vestlandsforskning. Frå 2019 har IT-forum vore ein non-profit organisasjon med heile Vestland som nedslagsfelt. Fylkeskommunen var sentral i oppstarten, og har vore med i forumet sidan starten. Føremålet er å arbeide gjennom eit breitt samarbeid for sikre at lokale og regionale miljø er i fremste rekke i å nytte informasjonsteknologi i næringsliv, offentleg sektor, opplæring, utdanning og forskning. IT-forum skal initierer, samordne og sikre felles utviklingsaktivitetar til nytte for heile regionen. Forumet har vore avgjerande for dei resultatane Sogn og Fjordane har hatt innan omstilling og digitalisering, og for utbygginga av breiband. Særlege viktig arbeid for omstilling og digitalisering i offentleg sektor, og knytter saman næringsliv/entreprenørskap og offentleg sektor. Bidrar til å styrke regionen sine moglegheiter til å vere i front i

høve dei nasjonale forventningane til digitalisering av offentleg sektor. Involverer svært breitt og godt både innan offentleg sektor og næringsliv.

Hardanger Siderprodusentlag

Hardanger Siderprodusentlag er ansvarleg for koordinering av dei fleste fellestiltak knytt til den etterkvart store satsinga på produksjon av sider i Hardanger. Etterkvart har det kome med fleire aktørar langs store delar av Sørfjorden, slik at nedslagsfeltet no femnar breitt i Hardanger regionen.

Sider er eit produkt med stort potensial i ein veksande marknad for lokalbaserte mat- og drikkeprodukt. Den sterke koplinga til epletradisjon og føresetnadene for fruktdyrking i Hardanger, gjer at denne næringa ikkje er så utsett for marknadssvikt som t.d. dei lokale ølprodusentane. Dette er ei satsing som treff mange av dei fylkeskommunale ambisjonane innan bioøkonomi, lokalsamfunnsutvikling og innovasjon/entreprenørskap. Viktig satsing i distriktsregion. Aktiviteten er modellbyggande.

Njøs frukt- og bærssenter

Njøs Næringsutvikling AS blei oppretta i 2007 (som Njøs Hagebrukssenter), no går dei vidare som Njøs frukt og bærssenter. Fylkeskommunen var ein av aksjonæra frå oppstarten, og eig i dag 22,2 % av aksjane. Njøs frukt- og bærssenter er nasjonalt foredlingsssenter for norske frukt- og bærssortar, og utfører oppdraget på vegne av Graminor. Senteret bidreg elles i prosjekt som naturleg høyrer inn under denne kjerneverksemda, og i regionale og nasjonale utviklingsprosessar i frukt og bær. Dei har tidlegare hatt ARENA-status, skal jobbe for å vidareføre klyngerelatert arbeid for å utvikle frukt- og bærsektoren i heile Vestland. Søknaden er retta mot basisprosjekt og programstyre for frukt og grønt. Medlemmene i Programstyret frukt og bær er private verksemder, forskning og offentleg sektor. Programstyret bidreg til å implementere ny kunnskap og initiere forskning. Dette har både fylkeskommunen og fylkesmannen og i Sogn og Fjordane støtta sidan oppstarten for over 10 år sidan. Frå nyttår overtok vi ansvaret for midlane fylkesmannen disponerte innan dette området, så ansvaret for finansiering ligg no på fylkeskommunen åleine.

Mataarena As

Mataarena AS blei etablert i 2014 for å utvikle samarbeidet mellom sjømat- og landbruksnæringa spesielt. Mataarena skal vere ein kompetansearena og «koplingsboks» for lokalmat frå sjø og land i Vestland. I samarbeid med næring, FoU og det offentlege koplar Mataarena heile verdikjeda for å heve kompetanse om bruk, distribusjon og marknadsføring av berekraftig lokalmat frå sjø og land. Mataarena jobbar innan grøn og blå sektor, to svært sentrale næringar i Vestland. Dei samarbeider godt med kompetansenettet for lokalmat i Aurland. Mataarena skaper gode møteplassar for matbransjen. Dei fyller ei unik og viktig rolle. Mataarena bidrar også positivt inn i arbeidet med Bergen sitt medlemskap som matby i UNESCO sitt nettverk for kreative byar. God gjennomføringsevne og ein viktig aktør, som også har gjort viktig arbeid no i koronatida. Lokal mat blir ikkje mindre viktig i tida framover.

Akvahub As

Akvahub AS er ei felles forskings- og utviklingsavdeling for verksemder med tilknytning til havbruksnæringa. Prosjekta som Akvahub engasjerer seg i skal bidra til ei meir berekraftig havbruksnæring. Vi ynskjer å bidra til å utløyse utviklingspotensial ved å identifisere nyskapande moglegheiter. Vi organiserer og leiar utviklingsprosjekt og tilfører fagkompetanse på dei områda vi finn internt og gjennom nettverket vårt. Akvahub arbeider med å arrangere møteplassar for kunnskapsutveksling, og stimulering til innovasjon og kopling til Fou. I tillegg til å hjelpe medlemsverksemder med å identifisere nyskapande moglegheiter, utvikle utviklingsprosjekt og bidra til finansiering.

Stiftelsen Maritime Bergen

Stiftelsen Maritime Bergen (MB) representerer havets bedrifter og skal være spydspiss for den blå næringa. Gjennom sitt arbeid skal dei ta i vare havbaserte næringar, og styrke evna til å drive verksemd i og frå Bergensregionen. Maritim næring er viktig for landet, og Bergen og Vestland har

ein sterk plass i næringa. Medlemmane representerer kompetanse, kapital og grunnlag for næring og omstilling i ein internasjonal bransje der Noreg har rike tradisjonar. Skipsfart er også viktig når det kjem til utslepp og tiltak for å få desse ned. Maritime Bergen vert oppfatta å ha godt omdømme og høg tillit blant medlemmane, og står difor fram som ein viktig aktør å ha partnerskapsavtale med.

NCE Maritime CleanTech

NCE Maritime CleanTech klyngen blei etablert i 2011 med visjonen om å vere ei verdslende klynge for reine maritime løysingar. Klynga har sidan 2014 hatt NCE-status. Klynga legg til rette for grønt innovasjonsarbeid i Vestland, på tvers av verdikjeder knytt til havnæringane. I samarbeidet deltek per i dag over 120 verksemder frå heile regionen.

NCE Maritime CleanTech har etablert seg som ein sentral katalysator for teknologiutvikling og grønt omstilling i Vestland med internasjonale ringverknader. Klynga jobbar svært godt og er ei viktig partner innan eit viktig og tidsaktuelt tema. Klynga er med på å løyse ut tiltak som bransjen elles ikkje ville tatt tak i.

Klynga misser frå neste år basisfinansieringa som NCE frå det internasjonale klyngeprogrammet etter 10 år. På same måte som for Medieklyngen er det usikkerheit knytt til om dei får «moden klynge status». Dette er sjølv sagt noko som kan påverkar økonomien i 2021 i stor grad.

NCE Finance Innovation

NCE finance innovation er den nyast NCE klyngen i fylket. Dei fekk Arena status i 2017 og NCE status i 2018. Målet til NCE Finance Innovation er å skape nye finansielle tenester og løysingar gjennom eksisterande og nye selskap, og å auke eksporten av fintech til internasjonale og globale marknader. Klynga har hovudsete i Bergen og har medlemmar frå store deler av landet, og utlandet.

Sustainable Energy katapultsenter

Sustainable Energy katapultsenter tilbyr testfasilitetar for fornybar energi. Både på land, på skip og offshore vindturbin. Katapulten er tilknytt Siva sitt program Norsk Katapult. Norsk katapult er ei ordning med nasjonale sentre som tilbyr fasilitetar, utstyr, kompetanse og nettverk. Katapult-sentra gjer det enklare for innovative bedrifter å utvikle prototype, teste, simulere og visualisere, slik at idear vert utvikl raskare, betre og med mindre risiko. Katapult-sentera får offentleg støtte for å hjelpe små og mellomstore bedrifter over hele landet.

Hub For Ocean/ Ocean Hyway Cluster

Hub for Ocean er ein medlemsorganisasjon for aktørar i dei havbaserte næringane. Per i dag har dei 66 medlemmar som representerer heile verdikjeda knytt til havrommet. Dei skal skape gode møteplassar, og vere ein dørøpnar til havnæringane, både til nye kundar og nye marknader. Ocean Hyway Cluster blei tatt opp i Arenaprogrammet i november 2018. Dei er ei arenaklynge for alle verksemder som ser seg sjølve som del av den nasjonale verdikjeda, dei har medlemmer lokalt, nasjonalt, og internasjonalt. Arenaklynga er driven av Hub for Ocean.

Kort om søkarane som er tilrådd avslag

VIS Innovasjonsuken OPP

Innovasjonsuken OPP er eit felles arrangement eller felles prosjekt der mange partar bidrar, mellom anna Fylkeskommunen. Vestland fylkeskommune sit i styringsgruppa. Innovasjonsuken OPP er ein innovasjonsfestival for aktørar med kunnskap, kompetanse eller erfaring innan innovasjon og entreprenørskap. Innovasjonsuken skal være en plattform for å presenterer alle aktivitetar og arrangement som skjer på Vestlandet i løpet av ei veke i september. Innovasjonsuken er ein arena for å lære meir om entreprenørskap og forretningsutvikling. Tiltaket skjer i tett samarbeid med partnarar frå næringslivet og innovasjonsmiljøa i regionen.

Hydrogenforum (NHF)

Fylkesnettverket Hydrogenforum er eit samarbeid mellom fylkeskommunar og kommunar med mål om å auke kompetanse om hydrogen, og koordinere offentlege prosesser som kan bidra til utvikling av hydrogenbaserte verdikjeder. Fokus er på innovasjon og næringsutvikling, energiutnytting og reduksjon av CO2-utslepp. Norsk Hydrogenforum (NHF) er sekretariat for nettverket, og de fleste fylker i Norge deltar i tillegg til fleire kommunar. Begge dei gamle fylka var ein pådrivar i oppstartsfasen for forumet.

Blått Hav Norge

Blått Hav Norge er ein frivillig organisasjon med føremål å bidra til eit reinare og sunnare hav, til å finne nye og berekraftige løysingar innan havrommet og til å fremje grøn vekst og næringsutvikling gjennom havrommet. Blått Hav Norge tilbyr ein møteplass for ungdom og studentar, samt etablerte verksemdar og aktørar.

Bioregion Institute

Bioregion Vestland var eit prosjekt i regi av Design Region Bergen. Bioregion Institute er «ei intitusjonalisering» av dette. Det blei i sommar etablert eit selskap der fire private aktørar har gått inn med aksjekapital. Hovudmålet er å erstatte fossilbasert plast med grønne løysingar.

Pitstop Norge As

Pitstop Norge leverer tenester knytt til oppfølging av dropout elevar frå vidaregåande skule. Dei er eit resultat av sosialt entreprenørskap (har vore deltakar i Impact Challenge i 2018. PitStop Norge skal hjelpe andre små og store frivillige organisasjonar med å ta i bruk metoden til Pitstop.

Sogn Næring

Sogn Næring er Sogndal kommune sitt apparat for næringsutvikling og skal bidra til auka tal på arbeidsplassar i regionen. Selskapet skal mellom anna leggje til rette for dei som ynskjer å starte eiga bedrift eller utvikle eksisterande verksemd. Sogn næring vil bli eit nav for utviklingsarbeidet i regionen.

Vedlegg

- 1 Utlysing næringsretta partnerskapsavtale 2021-2022